

From

Synod Literature & Publication Board
Synod Office, Mission Veng
Aizawl – 796 001, Mizoram
Phone : 2324590



E-mail : slpb@rediffmail.co.in

AIZAWL KHAWPUIAH SYNOD REVIVAL-IN BEIHPUI A THLAK

Mizoram Presbyterian Kohhran hnuai harh tharna chungchang ngaihtuahtu Synod Revival Committee chuan Mizoram boruak thlirin tuallaia Pathian thuchah puan chhuah tulin a hria a, November 4, 2011 (Zirtawpni) zanah khan Aizawl khawpui chhung hmun 25-ah tuallaia Pathian thuchah puanna hi hman a ni a; a tuk November 5, 2011 (Inrinni) khan Assam Rifles Lammual (Field)-ah ‘Ram tana tawngtai hona’ hun hman leh a ni bawk.

Tuallaia Pathian thuchah puan chhuahna tur vengte hi thlangin Synod Revival Committee chuan a bul hnaia Pastor Bialte chu a tul anga hma la turin a ngen a, hmun thenkhatah chuan Bial hnih te, Bial thum te an inkawp hlawm. Pathian thuchah hi Synod Revival Committee-in a tirh chhuah thin, Synod Revival Speaker-ten an sawi a; Revival Team hrang hrangte telna bik tur pawh ruat vek a ni a; Beihpui thlakna hmun leh thuchah sawitute chu hetiang a ni:

- | | |
|------------------------|----------------------|
| 1. Durtlang | Pu R. Lalbiaksanga |
| 2. Zemabawk | Pu C. Lalnunsanga |
| 3. Thuampui | T.Upa K. Lalhunpuia |
| 4. Bawngkawn | Upa H. Lalchhanhima |
| 5. Chaltlang | Henry Lalhmingthanga |
| 6. Ramhlun | Pu C. Lalramthara |
| 7. Chanmari | Pu R. Lalramliana |
| 8. Electric Veng | Upa H. Vanlalzuia |
| 9. Dawrpui | Upa R. Lalhmachhuana |
| 10. Armed Veng | Pu Lalfakzuala |
| 11. Ramrikawn | Tv Laldinthara |
| 12. Zonuam | Pu Lalsangluia Sailo |
| 13. Vaivakawn | Pu R. Lalrinsanga |
| 14. Dinthar | Pu Hmingthanpuia |
| 15. Bethlehem | Pu Dohleia |
| 16. Republic Veng | Upa Vanlalngaia |
| 17. ITI Veng | Pu Kaphranga |
| 18. Khatla | T.Upa Lalthlengliana |
| 19. Bungkawn | Pu C. Zaia |
| 20. Mission Vengthlang | Pu K. Lalngaihawma |
| 21. Mission Veng | Pu Lalsanglura Ralte |
| 22. Venghnuai | Upa Vanlalzuia |
| 23. Kulikawn | Upa H. Zoliana |
| 24. Saikhamakawn | Pu R. Zaihmingthanga |
| 25. Hlimen | Pu Lalthara |

Tuallaia Pathian thuchah puan chhuahna hmun thenkhatah chuan Bial Zaipawl leh Kohhran Zaipawl

te an zai bakah mi mal zai (solo) tur thlengin ruat an ni a, mipuiin an hlut hle. Synod Revival Office lamin an chhut dan chuan hemi zan hian chawhrualin mi 1,000 vel zel kal khawm angah a ngaih theih.

Synod Revival speaker-te hian Revival Committee thupui thlan **“Sim rawh u, vanram chu a hnai tawh e”** (Mat.3:1) tih an sawi theuh va. Thu kalpui dan tlangpui chu - “Pathianin thim ata eng mak taka Mizote min hruai chhuakin nasa takin mal min sawm a, chhehvel hnamte thik thamin min siam lian a; nun peng tinrengah hmasawna duhawm tak tak hmuh tur a awm. Chutih lain malsawmna chu sual hmanruaah hman a ni mek a, sual lamah he hnam hi a lut thuk tial tial a. Sima Lalpa hnena kan kir loh chuan tawrhna, thil tha lo leh chhiatna thleng thei reng a ni. Sual thupha chawia simin Pathian hnenah i kir ang u,” tiin a khai khawm theih awm e.

Tuallaia thuchah puan chhuah a nih tuk, November 5, 2011 (Inrinni) khan Aizawl Sipai Lammualah **‘Synod Revival Tawngtai Beihpui’** hman leh a ni a, chawhma lam hun chu Rev. Zosangliana Colney-in a hruai a, ram tana tawngtai rualna thupui thlan sa hmanga tawngtai rual a nih bakah Upa P.C. Lalhmachhuana (Holy Fire Team) leh Tv. C. Zairemmawia (Dintharlehna Team)-ten thupui, “Sim rawh u, vanram chu a hnai tawh e” tih an sawi leh a, Pathian fakna hla sa thin zai thiam Ni. Nancy Zothanmawii a zai bawk.

Chawhnu lam hun chu Rev. Lalzuithangan a hruai a, ram tana tawngtai rual hun hman a ni leh a, Upa Vanlalngaia (Krista Thiante Team) leh Pi P.C. Vanlalngaki (Jehova Jire Team)-ten thupui an sawi leh a, Tv. Sangzual Chhangte a zai bawk. Lammuala kal khawm hi mi sing khat vel an nih a rinawm. Dawrpui Bial KTP leh Tuikual Bial KTP-in mi dawnawm leh thutna rem an buaipui a, hetiang taka mipuiin an hlut avang hian Synod Revival Office-in lawm thu a sawi a ni.



Editorial Staff

Rev. Thangzauva Upa H. Ronghaka
Rev. B. Lalngkhakliana
Upa C.H. Thangkhuma

Kum a lo tawp leh dawn hnai ta a. Pathian Thu chuan, 'In thil tihthate an hnu ang a, in Pa vanami an chawimawi thei ang,' a ti a. Kan thil tihthat avanga kan Pa Pathian chawimawia awm chauh tur a nih avangin kan hun kal tawha kan thiltihte thlir let leh ila, tihthat leh zual theih apiangah tan i la thar leh ang u - chu chuan a titu nun ngeiah pawh hlimna leh lawmna a thlen dawn si a.

MASIHI SANGATI CONVENTION A TIAK TA

October 28-30, 2011 chhung khan Mizorama hnam dang Kristiante inkhawmpui lian Masihi Sangati Convention vawi 27-na chu Chanmari Bialin Chanmari West Kohhran Biak Inah an thleng a; palai inziak lut 5,950 zet an ni. Palaite hi veng chhung High School, Middle School, Primary School, Lodestar School leh Indoor Stadium-ah leh mi mal inahte thlentir an ni a, hmun khatah chaw ei siamsak vek an ni thung.

Convention Thupui, 'I thih hnuah khaw nge i kal dawn' (Hebrai 9:27) tih chu Speaker Rev. Vanlalbelan a sawi a; Evangelist-hovin counselling class-ah ringlote Pathian thu an sawipui baw a; Isua Krista ringa baptisma chang thar 54 an awm. Rev. Adam Kerketta-an 'Masihi Jeewan ka Adhar' (Exodus 20:1-17) tih hmangin Bible Study a neihpui thin baw.

Masihi Sangati Convention hi Chhim leh Hmar Bialah then a ni tawh a, tuna mi hi Hmar Bial bik pual a ni. Hmar Bial bik hi Area 17-ah thenin Fellowship 161 a awm a ni. Masihi Sangati rawngbawl naah hian Office leh Evangelist hna thawktu mi 143 an awm mek baw. Masihi Sangati Convention hi kum khat danah neih thin a ni a, kum 2009 khan Bungkaw Bialin Bungkaw Kohhranah convention hi an thleng a, kum 2007 khan a kum 25-na champha (Silver Jubilee) Zarkawt Biak Inah an lo lawm tawh baw.

Tun hma lam chuan Non-Mizo Convention tih thin a ni a, kum 2009 atang khan Masihi Sangati Convention tiha thlak a ni ta a ni. Pathianni zan inkhawmah Convention programme kharna hman a ni a, hemi hnu hian palaite Pathian faka zai leh lamin an tlaivar a ni.

MISSIONARY-TE INTUAI THARNA

October 13 - 16, 2011 chhung khan Republic Veng Presbyterian Kohhran Biak Inah Synod Mission Board hnuai Home Mission (Mizoram chhung)-a thaw, Missionary-te pualin Intuaitharna hun hman a ni a. Retreat Thupui, "Krista tana inpumpek nun" tih chu SMB BEC member Rev. Vanlalbelan a sawi. Missionary leh an kawppuite 427 an tel thei.

SYNOD THU LEH HLA - FM RADIO LEH TV-AH

November 7, 2011 khan Lloyd Hall, Synod Office-ah Synod Moderator Rev. C. Lalsangliana Mizoram Presbyterian Church Synod FM Radio leh TV Programme "Hruaina Eng" tihchhuah tur hawngin Pathian hnenah a hlan. HRUAINA ENG FM Radio programme hi November 11 (Zirtawpni) atangin Zirtawpni zan dar 7:30-8:00 inkar zelah AIR Aizawl FM ZOAWI atanga tihchhuah thin tur a ni a, HRUAINA ENG TV programme hi November 13 atangin Pathianni tin tlai dar 3:00-5:00 chhungin LPS Vision Channel 1 leh ZONET ZAWLBUK atangin tihchhuah thin tur a ni thung.

Heng Programme-te hi Synod Information & Publicity (Synfo) hmalakna thar a ni a. A hawna leh hlanna inkhawm hi Executive Secretary, Rev. Lalzuithangan inkhawm hi a kaihruai a. Executive Secretary baw, Rev. Zosangliana Colney-in hunserh a hmang a, Synfo Co-ordinator Upa Zonunmawian Synod-in kum 1981 atang tawha media lam rawngbawl na a lo kalpui tawh dan leh, tun hnaia rahbi thar FM Radio & TV Programme chungchang report a pe a. Khual lian - Synod Moderator Rev. C. Lalsangliana leh Khual Zahawm Pu C. Lalrosanga, Additional Director General (NER), AIR & DD-ten thu pawimawh tak tak an sawi.

Mizoram Presbyterian Synod Department hrang hrang rawngbawl na chanchin *Documentary Film "Maichama Mei Nung Reng"* tih Synfo lamin an buatsaih chu Synod Secretary (Sr.) Rev. P.C. Pachhungan a tlangzarh baw. Nl. Nancy Zothanmawii leh Mizoram Synod Choir-te an zai a, Synfo Committee-member Upa F. Lalsangliana lawm thu sawina hun hmangin, Senior Executive Secretary Rev. Vanlalzuatan malsawmnain hun a khar a ni.

HRIATTIRNA

Presbyterian Hindi Bible School, Bawngkaw Mizoramah Batch 49-na (January-13th-June-14, 2012)-a zir duhte tan dil theih a ni leh ta a. Dilna chu plain paper-a ziakin Principal, Presbyterian Hindi Bible School hnenah January 12, 2012 thleng theh luh theih a ni.

1. Diltu chuan Hindi tawng leh chhiar a thiam ngei tur a ni.
2. Kohhran dan zawhkim a ni tur a ni.
3. Kohhran/ Fellowship/ Field Secretary /Field hotu, etc. hriatpuina lehkhathil tel tur a ni.
4. Zir hun chhung : January 14 - June 14, 2012
5. Dil theih hun chhung : January 12, 2012
6. Ni 13.01.2012, 11: 00 a.m.-ah Principal's Office, Presbyterian Hindi Bible School, Bawngkaw interview neih tur a ni. Hre Chiang duh chuan Warden Ph. No. 8974770778-ah leh Principal Ph. No. 0389-2341172/9862428437-ah te zawh ni se.

Sd/- (REV. JOHN SHARMA)
Principal
Presbyterian Hindi Bible School
B.P.O. Bawngkaw



Râl Vêngtu hnena ðhianzaho lo kalte chuan a hnenah, “Râl Vêngtu, i thil vei zâwng min hrilh ta che,” an ti a. Ani chuan hengte hi a hrilh ta nghal a-

1. Tunlai hian hmun ðhenkhat khawvel pum huapa sakhaw hrang hrang betute inpawlkhawmna - World Religious Congress (WRC), World Parliament of Religious (WPR) tia an sawi baw, kum 1893-a America ram Chicago khuaa din, ringlote pawh an telna leh, khawvel pum huapa kohhrante inpawl hona - World Council of Churches (WCC), August 23, 1948-a din, Geneva khawpuia Headquarters awm nen an hriat pawlh a. Hlauvin an phi ruai. Hetiang mite hi khawchhak lungpui lum hlau, Census, UID, Finger Print leh sakawlh hlaute nen khan thisen hmun khata hrin an ni a. Pathian Thlarau ni lo, hlauhna thlarau an chang a; hlauhna bawihah tangin Pathian pawh an thlamuanpui zo tawh lo, an khawngaihthlâk hle. Hetiang mite hi Isua Krista aia sakawlh chu chak leh thiltithezawka ngaite an ni a, thlamuan an ngai hle.

2. Lal Isuan kohhran hi, “Ka kohhranho” (Mat. 16:18) tia sawiin a awmpui tlat a. Martin Luther-a pawhin, “*Kan Pathian kulhpui nghet a ni, Himna hmunpui chhe thei lo,*” (KHB. No. 17) a ti baw. Chutih laiin mi ðhenkhat chu, arbawm chhunga arin, “Himna a nih takin,” tia sanghar lâk tura zanlaia a himna arbawm an chhuahsan ang hi a ni. Mahni himna hmun hai, kohhran leh sakawlh pawh hre hrang lo - sawi pawlh, hlauh pawlh an awm nual ta mai. Heng mite hian mang an ti-ang hle. An khawngaihthlak baw si.

3. Mi ðhenkhat lah chuan thlamuang taka Zion khawpuia awm mênkte chu seh dan zawngin an châng reng a; an khawhar lai te, an chetsual leh kawlawk lai te, leh an damloh lai te chângin, hmangaih leh lainat ber anga inlantirin an veh reng baw. Hetiang mite hi alawm Bible-in ‘Chinghne koham’ a tih, an ei theih tur zawnga phi ruai ðhin chu.

Hetieng mite hi chhan ngai, ðanpui ngai an ni a. ‘Invengin ðawngtai zel rawh,’ tih hi Zion fate tana ka kumtluan fuihna thuchah chu a ni e,” a ti a. Tichuan, an inthen leh ta rih a.

TANPUITU PHONE THEIH

Synod Social Front chuan nun kawnga harsatna tawkte ðanpui theihna turin Counselling & Helpline Centre a siam a; man chawi ngai lovin Phone No. **9089777129**-ah biak theih reng a ni ta.

PRESBYTERIAN HOSPITAL, DURTLANG OCTOBER, 2011 CHHUNGA THILPEK DAWNTE

I. CHARITY FUND

1. Khawzawl Dinthar Bial Kohhran Hmeichhia	-	Rs.	3,000
2. Darlawn Bial Kohhran Hmeichhia	-	Rs.	1,000
3. Thuampui Kohhran Hmeichhia	-	Rs.	5,000
4. Luangmual Bial Kohhran Hmeichhia	-	Rs.	5,000
5. UPC Mizoram, Durtlang Bial	-	Rs.	4,500
6. Zobawk Bial, Zobawk.	-	Rs.	3,000
7. L.T. Farm, Aizawl	-	Rs.	5,000
8. KTP Damparengpui Bial	-	Rs.	1,000
9. Dr. K. Lalremmawia, Presbyterian Hospital	-	Rs.	2,000
10. Pu Lalnunsanga, Durtlang Dawrkawn	-	Rs.	2,000
11. Pi Rosiami, W/o Upa Lalmuana (L), Tanhril	-	Rs.	10,000
12. Dampa Presbytery (Silver Jubilee pualin)	-	Rs.	15,000
13. MZP General Headquarters, Aizawl	-	Rs.	5,000
14. Hming thup	-	Rs.	1,000
15. Hortoki Presbyterian Kohhran	-	Rs.	3,000
Total	-	Rs.	65,500

II. THISEN PETE

UNIT PEK ZAT

1. KTP, Luangmual Branch, Luangmual, Aizawl	44	Units
2. KTP, Vaivakawn Branch, Vaivakawn, Aizawl	60	Units
3. KTP, Baktawng Bial	64	Units
4. YMA, Buhban Branch, Buhban	55	Units
5. KTP, Electric Veng Bial	67	Units
6. Durtlang Higher Secondary School	55	Units
7. KTP, College Veng Branch, Aizawl	30	Units
Total	375	Units

III THILDANG PETE

1. Pi B. Chhunglawmi leh a fate, Mission Vengthlang, Aizawl.	An pa, Pu C. Thanchhuma hriat reng nan	- Kristian Hla Bu 4.
2. KTP, Centenary Branch, Aizawl		- Lehkhabu 5.
3. Pavalai Pawl, Lungleng I, Mizoram		- Thutthleng (Bench) 5.
4. PRESCOM Department		- Centenary Souvenir bu 1
5. Champhai Zotlang Kohhran Hmeichhia		- Thutthleng (Bench 2) leh Swabstick ðahnem tak

TIHDIKNA : Thla hmasa lama **Grace Home** tana thilpek petu, ‘*Dawrpui Vengthar Kohhran Hmeichhia*’ tih kha, ‘*Dawrpui Vengthar Pastor Bial Kohhran Hmeichhia*’ tih zawk tur a ni a, tihsual palhah ngaihdam kan dil e.

Thikpek min petute chungah kan Lalpa Isua Krista hmingin lawmthu kan sawi tak meuh meuh a ni e.

Sd/- (REV C. LALBIAKHLUNA)

Chaplain,

Presbyterian Hospital.



Dinthar Vengthlang Kohhran chuan Sept. 5 –16 chung khan Upa L.H. Rohmingliana speaker-a hmangin Camping chhawng thum an buatsaih a. Crusade-a chhunzawmin speaker atan Rev. R. Lalchangliana, Synod Revival Director leh Tv Lalngaihzuala te hman an ni. Kohhranin an hlawkpuiin an hlim hle.

Mamit Field Veng Kohhran chuan Pu R. Lalrinsanga speaker-a hmangin Sept. 10 – Oct. 2 chung khan Gospel Camping chhawng thum an buatsaih a. Rawngbawltu pual, tleirawl pual leh naupang pualin Lâng Camp an buatsaih bawk. Camping-ah hian Kohhran pawl dang mi eng emaw zat an lut ve a. Ringtu ngui leh chau tawhten Pathian Thlarau Thianghlim zara harh tharna an chang hlawm a, Kohhran boruak a nuam hle.

South Sabual Kohhran chuan Sept.13 – Oct.1 chung khan Upa Vanlalzuia ruaiin Camping chhawng thum an buatsaih a; campers 209 an lut. Pathian hnathawh ropui tak an chang a; Pu C. Lallawmzuala te chung leh Pu Thankuma te chungin ran an thawh a, Oct.3 khan khawtlangin Pathian an chawimawi.

Zamung 'N' Kohhran chuan Sept.16 – Oct.16 chung khan Pu C. Ramtharngaha speaker-a ruaiin Camping chhawng thum leh Crusade an buatsaih a; campers 136 zingah IKK leh UPC atangin mi eng emaw zat an tel. Pathian hnathawh ropui tak a thleng a; Biak in thleng pha tawh lo leh ruihho ngaiten harhna changin Pathian an fak ning thei lo. Oct.15 khan bawng pakhat leh vawk pahnih talhin hlim taka Pathian chawimawiiin ruai an kil ho.

Tawipui 'N' II Kohhran chuan Sept.17–27 chung khan Pu F. Hmingthansanga speaker-a hmangin Crusade leh Lâng camp (Kohhran Committee pual leh vantlang pual) an buatsaih a; Pathian hnathawh ropui tak a thleng a; an hlawkpui hle.

Selam Kohhran chuan Sept.17 – Oct.10 chung khan Pu C. Lalthantluanga speaker-a hmangin Camping chhawng thum an buatsaih a; campers 197 zinga 64 chu Kohhran pawl dang - UPC (NE), IKK, AG, RC, EBCC leh SDA mi leh sa an ni. Camper zawng zawngte hi an sal tanna atangin an chhuak thei vek a; Oct.15 khan bawng an talh a; awmni khamin hlim takin ruai nen hun an hmang. EBCC Kohhrana awm thin chungkaw thum chu Presbyterian Kohhranah an lut a; Kohhran boruak a hlimawm hle.

Hmunhmeltha Kohhran chuan Sept.19 – Oct.2 chung khan Pu C. Sapchhawna speaker-a hmangin Crusade an buatsaih a; tihdam rawngbawlna hun hmanah mi tam takin damna an chang a, Pathian Thlarau pawlna chang eng emaw zat an awm bawk a; Kohhranhovin an hlawkpui hle.

Phullen Kohhran chuan Sept. 19 – Oct. 9 chung khan Pu Lalbiakthara speaker-a hmangin Camping chhawng nga an buatsaih a; campers 819 zinga 16 chu kohhran pawl dang mi an ni. Pathian tihharhna, piantharna leh taksa chetna chang thar eng emaw zat an awm a. Ringtu chau tawhten harh tharna an chang a, kohhran leh khawtlang boruak a nuam hle. Mi inphalte thawh hmangin vawi li lai ruai buatsaih a ni a; Setana hmanruaa hman thinte la khawmin hal ral a ni bawk.

SAWMNA

PUKZING KOHHRAN chuan **November 26, 2011 (Inrinni)** khian Biak In thar an hawng dawn a; he hun hmanpui tur hian Pukzing khaw chhuakte leh anmahni Bialtu lo ni tawh Pastor leh Pro Pastor zawng zawng an sawm.

HLIMEN KOHHRAN chuan **December 12-18, 2011** chung khian an kohhran kum 100-na (Centenary) an lawm dawn a; a lawmna pui ber December 16, 2011-ah ruai nen hman a ni ang. He hun hmanpui tur hian an kohhrana lawi tawh zawng zawngte leh anmahni Bialtu lo ni tawh Pastor leh Pro Pastor zawng zawngte an sawm.

LUNGDAI HMAR VENG KOHHRAN chuan **December 16, 2011 (Zirtawpni)** khian Biak In thar an hawng dawn a; he hun hmanpui tur hian anmahni Bialtu lo ni tawh Pastor leh Pro Pastor zawng zawngte leh an kohhrana lo lawi tawh zawng zawng an sawm.

TUALPUI KOHHRAN chuan **December 17&18, 2011** chung khian an kohhran kum 100-na (Centenary) an lawm dawn a; he hun hmanpui tur hian an kohhrana lawi tawh zawng zawngte an sawm.

PATHIAN THU ZIR DUH TAN

Presbyterian Bible School, Mission Veng, Aizawlah session 23-na atan Certificate in Theology (C.Th.) admission hawn a ni a, dil duhte tan hengte hi hriat tur a ni e -

1. Admission Form : Office hun chungin Rs.10/-in lei theih a ni.
2. Dil hun chung : December 1, 2011 (Ningani) 3:00 p.m. thleng.
3. Dil thei chin : Class VII passed, kum 16 chin, kohhran dan chungua awm.
4. Interview : December 6, 2011 (Thawhlehi) 10:00 a.m.
5. Class tan hun : January 13, 2012 (Zirtawpni)
6. Zir hun chung : January -April, 2012
7. Stipend : Zirlai tin hnenah thla tin Rs. 300/- pek a ni a, Hostel a awm lo. Hre chiang duh tan Phone no. 2317343/9436352792 leh 2301602-ah te zawh theih a ni.

Sd/-
(REV. V. LAWMKIMA)
Principal, PBS

KUM 2012-A ZIR TURTE

Sunday School-ah: Puitling Department-in Thuthlung Hlui Hrilhfiarna NUMBERS, Rev. H. Lalchhanhima buatsaih an zir dawn a. Naupang Sunday School-ah zirlaibu ennawna tihbelh (Revised & Enlarged) vek hman tur a ni a; a thar veka lei a ngai ang.

.Nilai leh Beihruat Thupui: KRISTIAN CHHUNGKUA, Rev. Zosangliana Colney ziak zir a ni ang a, Beihrualah feh chhuah hun siam thin a ni.